



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.38. Duplex electio Regis Romanorum.

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

Sæcul. XIII.
A. C. 1257.

§. XXXVIII.

Duplex electio Regis Romanorum.

Quandoquidem Romanorum Regis electio intra duodecim menses exorbitu prioris computatos fieri debebat, eligendi tempus exhibat cum Januario anni 1257. Quocirca Imperii Principes sapius congregati electioni præstituerunt octavam Epiphaniæ, seu decimam tertiam Januarii diem, qua Francofurti comparerent. Et septem Electoribus ibi quatuor tantum eo die aderant; nempe Archiepiscopus Coloniensis suo & Moguntini etiamnum captivi nomine, Comes Palatinus, Archiepiscopus Trevirensis, atque Dux Saxonie. Posteriores hi duo Francofurtum priores advenerant, & duobus reliquis urbis aditum denegabant, armatos magno numero adductos dimittere renuentibus. Archiepiscopus Coloniensis, & Comes Palatinus progressi ulterius, Romanorum Regem cooptarunt Richardum Cornubiæ Comitem, Anglorum Regis fratrem. Archiepiscopus Trevirensis, & Saxonie Dux hanc electionem esse nullam causati, negotium prorogarunt in Passionis primum, deinde Palmarum Dominicam. Marchionis Bran-

*Steron.
Annal.*

*Ep. Urb. IV.
ap. Rayn.
1263. n. 53.
& seqq.*

Brandenburgici potestatem, & adjunctos Sæcul. XIII.
 sibi Bohemiæ Regis Procuratores habe- A.C. 1257.
 bant.

Cum interim post natalem Christi Matth. Par.
 diem Rex Henricus Londini frequente p. 807.
 in Senatu federet, aliquot Germaniæ Pro-
 cures eo delati, Comitem Richardum una
 omnium voce Regem suum declaratum
 esse palam dixerunt, monstratisque Archie-
 piscopi Coloniensis, & aliorum quorun-
 dam Principum epistolis, Comitis Richar-
 di consensum postulabant. Suadebat
 hunc ei Rex frater suus. At ille hæsitaba-
 bat, quid Henrico Thuringio, & Guiliel-
 mo Batavo contigerit, memor, ac ne for-
 tunam similem experiretur, veritus. Tum
 præsentium aliqui, Hæc exempla te non
 terreant, inquiebant. Non te violenter
 intrudit Papa: nec per milites sacros sum-
 ptibus Ecclesiarum, quas spoliavit, tueri
 te promittit: ejusmodi subsidia tantum
 iram Dei accersunt. Per te ipsum & o-
 pes & amicos habes. Cedebat denique
 Comes, & ad Episcopos assidentes con-
 versus, jurabat, se non ambitione vel a-
 varitia stimulante coronam accipere, sed
 ut Germaniam meliorem in statum redi-
 geret, ibique regnaret justitia. Archie-
 piscopus Coloniensis deinde sub finem
 Martii cum quibusdam Germaniæ Pro-
 ceribus Londinum venit, ut Richardum
 ad adeundam regni possessionem invita-
 ret:

Sæcul. XIII
A. C. 1257

ret: sed consulto tacebant, Principum partem Alphonsum Regem Castellæ in Romanorum Regem eligere velle.

Rayn. 1263.
n. 58.

Reipsa Archiepiscopus Trevirensis, Bohemæ Rex, Dux Saxonæ, & Marchio Brandenburgicus Comitem Richardum perperam electum reputantes, usque ad Dominicam Palmarum, primam Aprilis producto electionis tempore, Archiepiscopos Moguntinum tunc liberum, & Coloniensem, Comitemque Palatinum, ut huic negotio interessent, orabant. Accepta repulsa Archiepiscopus Trevirensis Francofurtum petiit, Regis, Ducisque ac Marchionis potestate munitus: & tam suo quam eorum nomine in Regem Romanorum solenniter elegit Alphonsum: qui rem edoctus per complures Imperii Proceres ea de causa in Hispaniam missos, consensit quidem; sed in Germaniam non se contulit. Comes autem Richardus celeriter eo profectus Aquisgrani per manus Archiepiscopi Coloniensis coronatus est die Ascensionis Domini, 17 Maji. Electus uterque Romam Legatos misit, ut sui electio rata haberetur. Sed Papa de consilio Cardinalium decisionem rei distulit per speciem maturioris deliberationis, revera pacem Ecclesiæ turbandi metu.

Ann. Steron.
Matth. Par.
p. 817.
Mon. Pad.
p. 602.